

Na temelju članka 16. stavak 5. Zakona o zaštiti životinja od zaraznih bolesti koje ugrožavaju cijelu zemlju ("Službeni list RBiH", br. 2/92 i 13/94), a koji se sukladno sa člankom IX.5. (1) Ustava Federacije Bosne i Hercegovine primjenjuje kao federalni propis, federalni ministar poljoprivrede, vodoprivrede i šumarstva, donosi

PRAVILNIK

O MJERAMA ZA SUZBIJANJE I ISKORJENJIVANJE TRIHINELOZE ŽIVOTINJA

Članak 1.

Ovim pravilnikom se propisuju mjere za suzbijanje i iskorjenjivanje trihineloze životinja.

Članak 2.

Oboljelim od trihineloze smatraju se životinje kod kojih se za života serološkom pretragom krvi ili kojom drugom pretragom utvrdi bolest, odnosno ako je pretragom mesa zaklane životinje metodom digestije utvrđen uzročnik *Trichinella spiralis*.

Članak 3.

Smatra se da je trihinelozom zahvaćeno ono dvorište ili uzgoj u kojem se utvrdi prisustvo uzročnika jednom od pretraga iz članka 2. ovog pravilnika i u slučajevima oboljenja ljudi.

Članak 4.

Životinje se smatraju sumnjivim na trihinelozu ako se epizootiološki i epidemiološki posumnja na tu parazitaru bolest, odnosno ako životinje potiču sa područja sa učestalom pojavom ove bolesti.

Članak 5.

Trihineloznim područjem smatraju se epizootiološka područja sa učestalom pojavom ove bolesti kod svinja i drugih domaćih i divljih životinja.

Članak 6.

Ako je u određenom dvorištu ili uzgoju utvrđena trihinelozna ili sumnja na trihinelozu nadležni inspektor naredit će jednu ili više slijedećih mjera:

1. zabranu kretanja ili stavljanja u promet životinja izvan dvorišta ili objekta,
2. označavanje svih životinja posebnim ušnim markicama s oznakom "T",
3. pregled svih životinja na trihinelozu serološkom pretragom,
4. klanje svih svinja kod kojih je utvrđena *Trichinella spiralis* u roku od 30 dana u registrovanoj klaonici koju odredi veterinarski inspektor, uz obavezan pregled mesa metodom digestije,
5. neopodljivo uklanjanje mesa i proizvoda od mesa životinja kod kojih je utvrđena trihinelozna kuhanjem ili sterilizacijom dok se ne raspadnu mekani dijelovi, suhom destilacijom, hemijskim postupcima ili spaljivanjem,
6. zapljena i obavezan pregled na trihinelozu svih zatečenih količina mesa i drugih proizvoda porijeklom od mesa svinja i drugih domaćih i divljih životinja,
7. deratizacija i čišćenje dvorišta i objekta,

8. sakupljanje i neškodljivo uklanjanje spaljivanjem uginulih glodavaca u dvorištu ili objektu,
9. zabranu držanja i proizvodnje svinja i drugih domaćih i divljih životinja na određeno vrijeme,
10. osiguranje zoohigijenskih uslova držanja i uzgoja životinja i zaštita objekta od ulaska glodavaca.

Članak 7.

U slučajevima upućivanja na klanje životinja iz trihinelozom zaraženog ili sumnjivog dvorišta ili objekta u uvjerenje o zdravstvenom stanju životinja upisuje se crvenim slovima "SUMNJA NA TRIHINELOZU".

Članak 8.

U zaraženom području nadležni veterinarski inspektor naredit će jednu ili više slijedećih mjera:

1. popis životinja,
2. utvrđivanje epizootiološkog stanja, porijeklo bolesti i puteve njenog širenja,
3. zabranu izdavanja uvjerenja o zdravstvenom stanju životinja u slučajevima kada se životinje upućuju na klanje iz članka 6. točka 3. ovog pravilnika,
4. serološko pretraživanje životinja (Elisa test),
5. zabranu klanja životinja za potrebe vlastitog domaćinstva osim klanja u registrovanim objektima za klanje,
6. zabranu održavanja sajмова i svih oblika sakupljanja ili dogona životinja u cilju prodaje,
7. zabranu korištenja mesa divljih životinja,
8. obveznu i sistematsku deratizaciju svih dvorišta, objekata, skladišta, vodotokova i deponija smeća,
9. zabranu ispaše ili širenja,
10. određivanje i osiguravanje odlagališta i deponija smeća,
11. neškodljivo uklanjanje mesa i proizvoda od mesa životinja kod kojih je utvrđena trihinelozu kuhanjem ili sterilizacijom dok se ne raspadnu mekani dijelovi, suhom destilacijom, hemijskim postupcima ili spaljivanjem,
12. obvezno sakupljanje i neškodljivo uklanjanje lešina uginulih takora, ostalih glodavaca i divljih životinja, te uginulih pasa i mačaka,
13. zabranu upotrebe neprokuhanih pomija za ishranu životinja,
14. prosvječavanje vlasnika i držaoca životinja o okolnostima širenja trihineloze i opasnosti za zdravlje ljudi.

Članak 9.

Kada se utvrdi trihinelozu životinja organ uprave nadležan za poslove veterinarske inspekcije mora o tome obavijestiti nadležni organ uprave za poslove sanitarne inspekcije.

Članak 10.

Radi sprječavanja pojave i širenja trihineloze držaoci životinja dužni su:

1. provesti sve propisane mjere i osigurati zoohigijenske uslove za uzgoj i proizvodnju piletinija,
2. redovno provoditi sve mjere za sistematsko uništavanje i uklanjanje izvora i prijenosnika bolesti,
3. obavljati pregled mesa na *Trichinella spiralis* kada vrše klanje piletinija za potrebe vlastitog domaćinstva,
4. u svim slučajevima utvrđivanja trihineloze u dvorištu ili objektu provesti sve mjere propisane člankom 6. ovog pravilnika, s tim da troškove naređenih mjera snosi držalac piletinija, ako sredstva nisu obezbjeđena iz drugih izvora.

Članak 11.

Smatra se da je trihinelozna prestala u zaraženom dvorištu ako su provedene sve mjere iz članka 6. ovog pravilnika, uključujući deratizaciju, čišćenje i dezinfekciju.

Članak 12.

Slobodnim od trihineloze smatra se epizootiološko područje na kojem tokom dvije prethodne uzastopne godine nije utvrđen niti jedan slučaj trihineloze.

Članak 13.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 05-24-663/99
30. rujna 1999. godine
Sarajevo

Ministar
dr. **Ahmed Smajić**, v. r.
